



Broj: 07-11-1835/23
Vogošća, 25.10.2023. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14 i 59/22), i čl. 71. i 125. Statuta Općine Vogošća ("Službene novine Kantona Sarajevo", broj: 27/14, 14/15 i 9/20), Općinski načelnik dana 25.10.2023. godine donio je

ODLUKU
O IZBORU NAJPOVOLJNIJEG PONUĐAČA ZA IZVOĐENJE RADOVA NA
REKONSTRUKCIJI I DOGRADNJI JAVNE RASVJETE OKO DOMA ZDRAVLJA VOGOŠĆA
I U KRAKU ULICE DRESKOVAČA

Član 1.

Ponuda ponuđača "Ses" d.o.o. Sarajevo, ulica Bačići broj 11. Sarajevo, odabrana je za izvođenje radova na rekonstrukciji i dogradnji javne rasvjete oko Doma zdravlja Vogošća i u kraku ulice Dreskovača, kao jedina formalno-pravno prihvatljiva ponuda, sa ponuđenom ukupnom cijenom nabavke u iznosu od 35.608,40 KM bez uračunatog PDV-a, odnosno 41.661,83 KM sa uračunatim PDV-om.

Član 2.

Odluka o izboru najpovoljnijeg ponuđača će biti objavljena na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 29.09.2023. godine donio Odluku o pokretanju Otvorenog postupka nabavke radova na rekonstrukciji i dogradnji javne rasvjete oko Doma zdravlja Vogošća i u kraku ulice Dreskovača, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 29.09.2023. godine pod brojem: 1353-1-3-202-3-187/23.

Sažetak Obavještenja o nabavci objavljen je u "Službenom glasniku BiH" broj: 69/23 od 06.10.2023. godine.

Tendersku dokumentaciju sa Portala javnih nabavki BiH je preuzelo 17 (sedamnaest) ponuđača.

Krajnji rok za dostavu ponuda bio je 23.10.2023. godine do 10:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 23.10.2023. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 07-11-1835/23 iz septembra 2023. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da su zaprimljene 2 (dvije) ponude i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1	"Ses" d.o.o. Sarajevo	35.608,40	/	/	41.661,83
2	"Nexen" d.o.o. Banja Luka	36.000,00	/	/	42.120,00

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

Ponuda ponuđača "Nexen" d.o.o. Banja Luka ne ispunjava formalno-pravne uslove tražene Tenderskom dokumentacijom i to:

Tačkom 8.2.1. stav 12. TD je propisano da ponuda mora da sadrži sljedeće elemente i to Sadržaj ponude, popunjen, potpisan i ovjeren pečatom ponuđača-Aneks 9 TD.

Ponuđač "Nexen" d.o.o. Banja Luka je u svojoj Ponudi (strana 2. Ponude) dostavio Sadržaj ponude, potpisan od Munire Maleškić-ovlaštene osobe za potpisivanje ponude po Punomoći broj: 871-09/23 od 15.09.2023. godine.

Međutim, na dostavljenom obrascu Sadržaja ponuđač je propustio da stavi otisak pečata firme ponuđača, kako je to propisano TD (tačkom 8.2.1. i Aneksom 9), iako je na svom obrascu uredno otkucao tekst "potpis i pečat ponuđača", te je na taj način postupio suprotno jasno postavljenom zahtjevu ugovornog organa.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14 i 59/22) predmetna ponuda je formalno-pravno neispravna i kao takva nije prihvatljiva za ugovorni organ.

Detaljnim postupkom pregleda i ocjene ponude, Komisija za javne nabavke je utvrdila da ponuda ponuđača "Ses" d.o.o. Sarajevo ispunjava formalno-pravne uslove, odnosno zahtjeve ugovornog organa tražene Tenderskom dokumentacijom.

Zatim je Komisija za javne nabavke pristupila razmatranju finansijskog dijela Ponude ponuđača koji ispunjava formalno-pravne uslove, odnosno zahtjeve ugovornog organa tražene Tenderskom dokumentacijom, te je izvršena računska provjera dostavljene ponude i utvrđeno je da nema računskih grešaka u ponudi ponuđača "Ses" d.o.o. Sarajevo, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).

Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14 i 59/22), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača "Ses" d.o.o. Sarajevo, za izvođenje radova na rekonstrukciji i dogradnji javne rasvjete oko Doma zdravlja Vogošća i u kraku ulice Dreskovača, kao jedine formalno-pravno prihvatljive ponude, sa ponuđenom ukupnom cijenom nabavke u iznosu od 35.608,40 KM bez uračunatog PDV-a, odnosno 41.661,83 KM sa uračunatim PDV-om.

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem ugovornog organa.

Izradio: Mirza Čutura

Mirza Čutura

Kontrolisala: Melisa Kršo

Melisa Kršo



OPĆINSKI NAČELNIK

Migdad Hasanović

Migdad Hasanović

Dostavljeno:

1. "Ses" d.o.o. Sarajevo
2. "Nexen" d.o.o. Banja Luka
3. Nadležnoj Službi
4. U dosije
5. a/a

info@ses.ba
info@nexen.rs.ba